

ճամբորդէ Ս. Էջմիածին: Կը վարէ Ս. Յակոբայ վանքին դպրապետութիւնը և ժառ. վարժ.ի երաժշտութեան ուսուցչութիւնը (1860-64). Կը վախճանի 1903 ին Պոլիս: Տեսնել իր լիակատար կենսագրութիւնը (Սուրհանդակ, 1903. Թ. 1416-17):

ԿԱՐԱՊԵՏ ՊԵ. ԳԱՆՁԱԿԵՅԻ (ԱՐՁԱԽ).— Աշկ. Խորենացի Թէոդորոս պարք.ի. 1734 ին հայրենիքէն կը հասնի Ս. Յակոբ և կը միաբանակցի. Ձու. 1737 Շղթայակէր Գրիգոր պարք.էն. կնիքը 1737. Նւ. Ատանայի, Ակնայ, Ռումելիի և Եւզոկիոյ (1759-1761). Ժամանակ մը կը վարէ ՓԿԵ. պաշտօնը. 1761 ին կ'ընտրուի պարք: Յոպպէի և Թեմլէի վանքերուն, նոյնպէս Ս. Յարութեան և Ս. Յակոբայ տաճարներուն և Բերիոյ Հոգեւան նորոգութիւնները կատարել կուտայ (1762-65) (ՄՁ. Թ. 14): Գանձակեցի պարք. 1767 ին երկրորդ անգամ տպագրել տուած է Հաննէ վրդ.ի Երուսաղիմաց Պատմութիւնը, և նոյն տպագրութեան վերջը գետեղած է իր մի քանի կրօնական քերթուածները, որոց շատերուն սկզբնատառերը կը կապեն իր անունը: Վախճանած է 1768 ին. Կարապետ պարք. իր աբեղայութեան՝ Ս. Յակոբի վանքին մէջ ընդօրինակած է Մեկն. Սահմանաց գիրքը, ՌՃՁԷ (= 1738) թուին իբր յիշատակ Ս. Յակոբի վանքին (ՄՁ. Թ. 804): Իր տապանագիրն է հետեւեալը.

«Այս է տապան հանգստեան.

Գանձակեցի Սրբազան

Կարապետ Պատրիարքի

Սրբոյ Աթոռոյս երուսաղէմի.

Որ փոխեցաւ յանանց կեանս

Ի թվին ՌՄԺԷ (= 1768).

Որք հանդիպիք տուք զողորմի»:

ԿԱՐԱՊԵՏ ՊԵ.— Սովորական ցուցակներու մէջ կը պակսի իր անունը. սակայն յիշատակուած է 1349 թուականաւ կալուածագրի մը մէջ: (Ընդ. Օր. 1909. էջ 291):

ԿԱՐԱՊԵՏ ՊԿ. ՊԱԼԱՏՅԻ.— Մը. Ծ. 1783 ին. աշկ. Էտիրնէցի Պօղոս պարք.ի. Նւ. Վանայ. Առ. Ամասիոյ-Մարտուանի. ՊԿ. (1823-31). Կը վախճանի 1850 ին և կը թաղուի Սկիւտարի գերեզմանատունը: Յօրինած է Լապտեր հոգոյ խորագրով երկասիրութիւն մը (տպ. 1826, Պոլիս):